

**3,241** peserta

remaja dan belia dilatih sepanjang lima tahun Program PERMATA Perkasa diperkenal



Rosmah dibantu peserta kelas pastru, Muhammad Afiq Syahmi Mohd Radzi menghasilkan kek ketika selepas majlis perasmian Pusat Komuniti PERMATA PERKASA @remaja di Perumahan Awam Desa Rejang, Setapak, semalam. (FOTO ALI ZUDDIN SAAD/BERNAMA)

# Cungkil bakat remaja bermasalah

► Program PERMATA Perkasa berjaya kurangkan gejala sosial

Oleh Sophia Ahmad  
sophia@bh.com.my

Kuala Lumpur

Pelaksanaan Program PERMATA Perkasa dilihat mampu membantu mengurangkan gejala sosial dalam kalangan remaja.

Penaung program itu, Datin Seri Rosmah Mansor, berkata sepanjang lima tahun ia diperkenalkan, program itu berhasil melatih 3,241 remaja dan belia menerusi aktiviti pilihan mereka.

**Latihan kemahiran serlah potensi**  
"Walaupun pada awalnya peserta dipanggilkan dalam kelompok remaja bermasalah, menerusi program ini kita dapat mencungkil potensi sebenar yang ada dalam diri mereka," katanya.

Isteri Perdana Menteri itu berkata demikian ketika berucap merasmikan Pusat Komuniti Permata Perkasa Remaja di Perumahan Awam Desa Rejang, di sini, semalam.

Yang turut hadir pada majlis ialah Ahli Parlimen Se-

tiawangsa, Datuk Ahmad Fauzi Zahari dan Naib Canselor Universiti Kebangsaan Malaysia (UKM), Prof Datuk Dr Noor Azlan Ghazali.

Antara kawasan perumahan lain di ibu negara yang mempunyai Pusat Komuniti PERMATA Perkasa Remaja ialah Projek Perumahan Rakyat (PPR) Sri Pantai dan Pantai Ria di Pantai Dalam.

Mengulas lanjut, Rosmah berkata, PERMATA Perkasa pada awal penubuhannya menerima penyertaan 565 remaja yang secara sukarela memilih untuk mengikuti kelas kemahiran asas seperti membuat kek, fotografi, solekan, andaman, vokal dan muzik.

"Program ini juga mendapat kerjasama Perbadanan PRIMA, khusus dari aspek pembinaan Pusat Komuniti PERMATA Remaja," katanya.

PERMATA Perkasa adalah antara perincian program PERMATA yang diwujudkan hasil kerjasama UKM.

Selain kelas kemahiran asas, ia turut memperkenalkan kelas bimbingan dikenali sebagai *Homework Club* yang membantu pelajar menyiapkan kerja sekolah mereka setiap hari dengan dibantu penuntut UKM.

Turut diadakan kelas Bahasa Inggeris dengan kerjasama British Council yang dikendalikan bersama PERMATA Interact, hasil inisiatif anak perempunan Perdana Menteri, Noorjaya Najwa Naji.